

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SABA

KIKAO CHA HAMSINI NA NNE

23 JUNI, 2017



ORODHA YA SHUGHULI ZA LEO

MKUTANO WA SABA

KIKAO CHA HAMSINI NA NNE – TAREHE 23 JUNI, 2017

I. DUA:

II. MASWALI:

OFISI YA WAZIRI MKUU:

441. MHESHIMIWA AZZA HILLAL HAMAD
(VITI MAALUM):

Atamuuliza Mheshimiwa Waziri Mkuu:- Kituo cha Watoto wenye ulemavu cha Buhangija kimekuwa kikijiendesha kwa kusuasua:-

Je, Serikali iko tayari kupeleka fedha kwa asilimia mia moja katika Kituo hicho hasa ikizingatiwa kuwa kinachukua Watoto kutoka Kanda yote ya Ziwa.

OFISI YA RAIS (TAMISEMI):

442. MHESHIMIWA ESTHER LUKAGO MIDIMU (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Barabara za Vijiji katika Wilaya ya Maswa ni mbovu kiasi kwamba sehemu nyingi za maeneo ya Vijijini hazipitiki:-

Je, Serikali ina mpango gani wa kupeleka fedha za kutosha za Mfuko wa Barabara ili barabara hizo zifanyiwe matengenezo.

443. MHESHIMIWA HASNA SUDI KATUNDA MWILIMA (KIGOMA KUSINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Kituo cha Afya cha Nguruka kinahudumia wakazi wa Kata nne za Tarafa ya Nguruka pamoja na Wananchi wa Usinge katika Wilaya ya Kaliua:-

Je, Serikali haioni umuhimu wa kukipanua Kituo hicho kwa kuongeza miundombinu na kumalizia ukarabati wa Jengo la Mama na Mtoto ambalo limeachwa bila kukarabatiwa kwa muda mrefu.

444. MHESHIMIWA GIBSON BLASIUS OLE - MEISEYEKI (ARUMERU MAGHARIBI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Hivi karibuni Serikali imeanza zoezi la kubomoa nyumba kwenye vyanzo vya maji na waathirika wa operesheni hiyo Sheria imewakuta na wengi wao walikuwa kwenye maeneo hayo tangu enzi za Ukoloni hususani Wananchi wa Kata ya Kiranyi:-

Je, Serikali inawafikiriaje Wananchi hawa ambao Sheria imewakuta kwenye maeneo hayo.

WIZARA YA FEDHA NA MIPANGO:

445. MHESHIMIWA DKT. HADJI HUSSEIN MPONDA (MALINYI):

Atamuuliza Mheshimiwa Waziri wa Fedha na Mipango:- Wilaya ya Malinyi haina kabisa huduma za Kibenki ambapo Wananchi hufuata huduma hizi katika Wilaya jirani ya Kilombero au Ulanga; Serikali kupitia Taasisi za Kibenki zikiwemo CRDB na NMB zimeahidi kuanza kutoa huduma toka mwaka 2015 lakini hadi leo hakuna utekelezaji wowote:-

(a) Je, ni lini huduma hizi zitaanzishwa rasmi katika Wilaya ya Malinyi;

(b) Wakati Benki zikisubiri ujenzi wa Matawi yao; Je, kwa nini wasianze kutoa huduma hizo kwa

kutumia Matawi yanayohamishika (*Mobile Service*).

446. MHESHIMIWA MAGDALENA HAMIS SAKAYA (KALIUA):

Atamuuliza Mheshimiwa Waziri wa Fedha na Mipango:-

Je, Serikali ina mpango gani endelevu wa kudhibiti ongezeko la watu hapa nchini liendane na uwezo wa Serikali wa kupeleka huduma muhimu na za msingi kwa Wananchi kiukamilifu.

WIZARA YA ELIMU, SAYANSI NA TEKNOLOJIA:

447. MHESHIMIWA JULIANA DANIEL SHONZA (VITI MAALUM):

Atamuuliza Mheshimiwa Waziri wa Elimu, Sayansi na Teknolojia:- Mkoa wa Songwe ni mpya na unakabiliwa na changamoto ya ukosefu wa Vyuo Vikuu na hata vile vya Ufundi:-

Je, ni lini Serikali itakuja na mpango wa kujenga hata Kampasi ya Chuo Kikuu kimojawapo pamoja na vile Vyuo vya Ufundi.

WIZARA YA MAJI NA UMWAGILIAJI:

448. MHESHIMIWA LEONIDAS TUTUBERT GAMA (SONGEA MJINI):

Atamuuliza Mheshimiwa Waziri wa Maji na Umwagiliaji:- Mji wa Songea ni kati ya Miji yenye matatizo makubwa ya maji katika nchi yetu, na katika utoaji wa maji Halmashauri ya Mji wa Songea inategemea visima virefu na vifupi na maji ya mtiririko. Mji huo una jumla ya vituo 187 ambavyo havitoi maji ambapo kila kituo kinagharimu wastani wa sh.milioni 3 kwa ajili ya ukarabati na gharama zote ni jumla ya sh.milioni 561:-

- (a) Je, Serikali haioni umuhimu wa kumaliza tatizo hilo;
- (b) Je, Serikali haioni kuwa ikiondoa tatizo hilo itakuwa imemaliza kero kubwa kwa Wananchi zaidi ya 30,000 ambapo kila kituo kitakuwa kinahudumia watu 250.

449. MHESHIMIWA JOHN JOHN MNYIKA (KIBAMBA):

Atamuuliza Mheshimiwa Waziri wa Maji na Umwagiliaji:- Jimbo la Kibamba linapaswa kuhudumiwa kwa sehemu kubwa na maji kutoka mitambo ya Ruvu Juu:-

(a) Je, ni maeneo gani mpaka sasa yana shida kubwa ya maji na ni lini maeneo hayo yatakata huduma kamili ya maji;

(b) Je, ni kwa nini miradi mikubwa ya maji imechelewa kukamilika kinyume na ratiba iliyotolewa na Serikali.

WIZARA YA UJENZI, UCHUKUZI NA MAWASILIANO:

**450. MHESHIMIWA PROSPER JOSEPH MBENA
(MOROGORO KUSINI):**

Atamuuliza Mheshimiwa Waziri wa Ujenzi, Uchukuzi na Mawasiliano:- Ujenzi wa Barabara ya kutoka Bigwa – Kisaki iko kwenye Ilani ya Uchaguzi ya CCM na Rais wa Jamhuri ya Muungano wa Tanzania Mhe. John Pombe Magufuli alitoa ahadi ya kujenga barabara hiyo alipohutubia Wananchi wa Morogoro na kwamba fedha za ujenzi zitatoka Serikalini; nyumba zote zilizomo ndani ya mita 60 zimewekwa alama ya 'X' tayari kubomolewa katika maeneo ya Ruvu Kibangile, Kisemu, Mtamba, Nzasa, Kangazi, Kisanzala, Tambaku, Mvuha, Mngazi hadi Kisaki:-

(a) Je, Serikali itakuwa tayari kuwawekea Wananchi hao utaratibu wa kuwajengea nyumba bora kwa wanaopenda badala ya kuwalipa fidia kidogo isiyolingana na mali zao wanazoziacha;

(b) Je, ni lini ujenzi wa barabara hiyo utaanza ili Wananchi waliowekewa alama ya kubomolewa nyumba zao waanze maandalizi kwenye maeneo watakayohamia;

(c) Je, ni lini Serikali itatengeneza upya madaraja ya Ruvu, Mvuhu na Dutumi yaliyomo kwenye barabara hiyo hasa ikizingatiwa kuwa madaraja hayo ni mabovu sana na yanaweza kusababisha ajali kwa wanaopita hapo.

WIZARA YA KILIMO, MIFUGO NA UVUVI:

**451. MHESHIMIWA MARTIN MTONDA MSUHA
(MBINGA VIJIJINI):**

Atamuuliza Mheshimiwa Waziri wa Kilimo, Mifugo na Uvuvi:- Chama Kikuu cha Ushirika “*Mbinga Cooperative Union (MBICU)*” kilishindwa kuendesha shughuli zake kibiashara na hatimaye kukabidhiwa kwa mfilisi mwaka 1994/95 kutokana na madeni pamoja na kuyumba kwa soko la Kahawa:-

(a) Je, kwa nini mfilisi bado anashikilia mali za Chama hicho badala ya kukabidhi kwa Chama kipya cha “*Mbinga Farmers’ Cooperation Union (MBIFACU)*” kwa muda mrefu kiasi hicho;

(b) Je, Serikali ina mpango gani wa kulipa deni la wakulima lipatalo Tsh. 424 milioni ambalo liliachwa na MBICU iliyokufa.

DODOMA
23 JUNI, 2017

DKT. T. D. KASHILILAH
KATIBU WA BUNGE

